

ბაგა-ბალის აღმზრდელი პედაგოგი

პროგრამის მიზანი

წინამდებარე პროგრამა მიზნად ისახავს სკოლამდელი აღზრდის დაწესებულებებისათვის აღმზრდელი პირების მომზადებას, რომლებიც შეძლებენ განახორციელონ ისეთი საქმიანობა, როგორცაა ადრეულ ასაკში ბავშვზე ზრუნვა, მისი აღზრდა, განვითარება და განათლება. ასევე, გააცნოს უსაფრთხო და სააღმზრდელო გარემოს პირობები, კომუნიკაციის თავისებურებები ბავშვის ოჯახთან, ბალის კოლექტივთან, კოლეგებთან.

პროგრამის ხანგრძლივობა და მოცულობა

პროგრამის მოცულობაა 5 კრედიტი (სულ 125 საათი, მათ შორის საკონტაქტო საათების რაოდენობაა 90, აქედან: თეორიული მეცადინეობა - 39 საათი, პრაქტიკული მეცადინეობა - 51, გამოცდა - 3 საათი, დამოუკიდებელი მუშაობა - 32 საათი).

პროგრამის ხანგრძლივობაა 75 დღე.

სწავლა წარმოებს კვირაში 4 დღე. მეცადინეობის ხანგრძლივობა დღეში შეადგენს 3 საათს (კვირაში 12 საათი).

სასწავლო კურსის განხორციელებისა და სწავლების მეთოდოლოგია

სწავლების მეთოდოლოგია მოიცავს სალექციო სწავლებასა და სამუშაო ჯგუფში ან ინდივიდუალურად მუშაობას. მსმენელები შეძლებენ საინფორმაციო-საკომუნიკაციო ტექნოლოგებთან მუშაობისა და კომუნიკაციის უნარების განვითარებას.

სასწავლო პროცესი ემყარება შემდეგ მეთოდებს:

- ვერბალური ანუ ზეპირსიტყვიერი მეთოდი;
- წერითი მუშაობის მეთოდი, რომელიც გულისხმობს კონკრეტული სავარჯიშოების წერით შესრულებას;
- ჯგუფური მუშაობა - დისკუსია, გონებრივი იერიშის მეთოდების, ასევე კითხვა-პასუხისა და როლური თამაშებისა და საქმიანი სიტუაციების ინსცენირების სახით, რაც წარმოადგენს აზროვნების განვითარების საუკეთესო საშუალებას;
- დემონსტრირების მეთოდი - გულისხმობს სალექციო თემის ირგვლივ არსებული მასალის, პრეზენტაციის და სხვა სასწავლო მასალის გამოყენებასა და ჩვენებას, რაც აადვილებს სასწავლო მასალის აღქმას.
- ბეჭდვითი სამუშაოების შესრულება, რომელიც გულისხმობს კონკრეტული სავარჯიშოების კომპიუტერთან შესრულებას.

ყოველი თემის ბოლოს ტარდება შეფასება, მიწოდებული მასალის ათვისების შესამოწმებლად. პროგრამის დასრულების ბოლოს ტარდება გამოცდა, რის საფუძველზეც გაიცემა სერტიფიკატი.

სწავლება მიმდინარეობს მცირე ჯგუფებში.

სწავლის საფასური:

ჯგუფში მსმენელთა მინიმალური რაოდენობაა - 15

ჯგუფში მსმენელთა მაქსიმალური რაოდენობაა - 30

31 და მეტი მსმენელის შემთხვევაში შედგება ახალი ჯგუფი.

ერთი მსმენელის ღირებულება შეადგენს 950 ლარს

სწავლების ენა - ქართული

პროგრამის განხორციელების ადგილი: ქ. თბილისი, რუსთავის გზატკეცილი 18-22;

სწავლის შედეგები

ცოდნა და გაცნობიერება

იცის:

- ბავშვის ასაკობრივი თავისებურებები
- სასწავლო-სააღმზრდელო გეგმების შემუშავების ძირითადი პრინციპები
- ბავშვის ინტერესების და საჭიროების გამოვლენის გზები
- მოკლევადიანი სასწავლო-სააღმზრდელო გეგმების შემუშავების ძირითადი პრინციპები
- ადამიანური რესურსის გამოყენების საშუალებები
- მულტიდისციპლინურ გუნდთან მუშაობის სპეციფიკა
- აქტივობებში მშობელთა ჩართვის სტრატეგიები
- პოზიტიური ურთიერთობის ხელშეწყობის სტრატეგიები
- მულტიდისციპლინურ გუნდში მომუშავე პროფესიონალთა კომპეტენციები და მათი მნიშვნელობა
- ინკლუზიური და ტოლერანტული გარემოს უზრუნველყოფასთან დაკავშირებული საკითხები
- ჯანმრთელობის და უსაფრთხოების ნორმები

ცოდნის პრაქტიკაში გამოყენების უნარი

შეუძლია:

- სააღმზრდელო-საგანმანათლებლო პროცესის დაგეგმვა და წარმართვა
- თემთან და ოჯახთან ურთიერთობის წარმართვა
- ბავშვის მრავალმხრივი განვითარება
- განმავითარებელი გარემოს მოწყობა
- ინკლუზიური და ტოლერანტული გარემოს უზრუნველყოფა
- ჯანმრთელობის და უსაფრთხოების ნორმების დაცვა

კომუნიკაციის უნარი

შეუძლია:

- ინფორმაციის გადაცემა, ახსნა-განმარტებების მიცემა, პრეზენტაცია;
- სხვადასხვა ასაკობრივ კატეგორიასთან კომუნიკაცია;
- თანამედროვე საოფისე საინფორმაციო და საკომუნიკაციო ტექნოლოგიების გამოყენება, ტექსტური რედაქტის გამოყენება და მარტივი სლაიდშოუს შექმნა.

მოკლევადიანი პროფესიული საგანმანათლებლო პროგრამა

შეფასების სქემა

- ✓ სერტიფიცირების პროცესი ტარდება ტესტირებით;
- ✓ ტესტი კომბინირებულია და მოიცავს როგორც ღია ასევე დახურულ კითხვებსა და პრაქტიკული სავარჯიშოების შესრულებას;
- ✓ კითხვები ფასდება სირთულის მიხედვით 0,5 ქულიდან 2 ქულის ფარგლებში, ხოლო პრაქტიკული სავარჯიშო - 1-3 ქულით;
- ✓ ტესტირებისთვის განსაზღვრული ქულების ფარგლებში, დადებითი შეფასების მოპოვების წინაპირობაა დადგენილ ქულათა ნახევარზე მეტის დაგროვება, რომელთაგან სავალდებულოა პრაქტიკული სავარჯიშოების შესრულება.)

ტესტირებისას არადამაკმაყოფილებელი შედეგის მიღების შემთხვევაში პირს უფლება აქვს განმეორებით გავიდეს გამოცდაზე 10 დღის ვადაში. განმეორებით გამოცდაზე მიღებული შედეგი საბოლოოა.

სერტიფიცირების პროცესი

სერტიფიცირების პროცესის მიმდინარეობას აკვირდება სერტიფიცირების კომისია, რომლის შემადგელობაში შედიან როგორც დარგის სპეციალისტები, ისე პოტენციური დამსაქმებლები.

საკონტაქტო ინფორმაცია: ქ.თბილისი, რუსთავის გზატკეცილი 18-22 (ოთახი 109), ტელეფონი: 2 40 34 40, 2 40 33 40, ელფოსტა: info@sba.edu.ge